

廣德州志卷六

營建志 城池 公署 學校<sup>四</sup> 兵防 郵遞 倉廩  
市鎮 坊表 津梁 壇廟 寺觀 塋墓

爾雅釋天營室謂之定郭注云定正也作宮室皆以營室之中為正鄘風序楚宮之作必候定星昏中是也然則列邦興制並應星文而考工匠人營國祖社宮城門阿經涂侯服皆稱此以為準營建豈細故哉廣德本為漢縣而城池廨宇宋以來始可紀載前此則僅存寺觀數處而已今由城及四鄉取諸土木之工訪求始末詳其創修廢舉分類繫之俾有幹有年於茲土者皆歷歷可考見焉

廣德州志

卷六

城池

城池

廣德之有城也見於杜君卿通典劉日輝唐志由來尚矣然此乃言漢縣故址在今州治之西南已無可考州城至宋始築建平更後起雖圯廢屢經修葺完固今者崇墉深濠堅若金湯居中控制四境環繞誠皖南之名藩也

州城池南畿志廣德舊無城宋淳熙六年郡守趙希仁僅

建六門設子城於內

案淳熙舊作淳祐萬曆楊門等志通志並同考宋史及萬曆職官藝

文志祠山事要趙希仁知廣德乃在孝宗淳熙四年其  
明年修大成殿則六年建城門非淳祐明矣淳祐係理  
宗年號中隔光甯甯二宗相去  
四五十年舊志誤今改正 **萬厯志**門有樓元末兵亂

樓圮至元丙申六月明太祖令元帥趙繼祖邵榮領軍

始建城池為六門東曰迎春西曰崇德南曰明威北曰

閱武東南隅初小門曰石溪今謂之秀水東北隅初小

門曰常州今喚為水關

南畿志云築城濬池門因其舊  
東迎春西崇德南明威北閱武

東南石溪東北常州據此則  
趙守建門時已有此名矣其城周圍八里高一丈五

尺廣八尺濠濶一丈六尺深八尺出**范昌齡志**

案范係  
宏治十

七年州守  
詳志目

辛丑年元帥趙去城無軍守尋圮

案成化五  
年知州陸

### 廣德州志

### 卷六

### 城池

二

鳳修整見姚  
夔記詳公署

**宏治**二年知州辛禮建城樓四所正德七

年知州劉節繚垣覆以瓦高七尺厚三尺嘉靖三十二

年知州莊士元始甃以磚并設塚其上三十五年兵備

道朱舜民鼎建石門凡四上有樓沿城各有窩舖**萬厯**

二年知州吳同春增砌裏牆高卑始一萬**厯**二十三年

知州段猷顯重修城樓四門之匾更迎春曰瞻紫崇德

曰望美明威曰兆符閱武曰拱極每門令兵快四十三

名及三司弓兵踐更巡夜規制視舊一新舊例城牆樓

舖科派里役分丈修理鄉民不便各出錢給守城快手

包修因行要挾頗爲擾民萬曆四十年知州李得中蠲免盡用官錢修理鄉民便之楊志

國朝康熙二年州守楊苞重修補葺者十之三更建者十之七憲助之外仍捐已俸而以罰贖佐灰石計圖分塚按里任工方廣丈許內馬道廣丈餘下皆蒸土堅築承以木椿始於康熙三年九月歷六旬日而告竣更門名東爲熙春南曰麗正西曰安貞北曰拱辰又於東南隅開古石溪門曰鍾秀按形家言門爲巽方引秀水入城也舊城樓隘小今更建大樓四隅爲飛閣皆繚以垣楊

廣德州志

卷六

城池

三

自爲記

見藝文

案今城周圍九里十三步長一千二十八

丈乾隆三十九年坍塌二十丈知州恒豫捐廉三百六十兩修葺先是州人呈請照楊守例按圖派費州爲通詳尋以擾民停止詳準捐修五十六年五月四城塚俱有坍塌知州胡文銓捐廉修整胡志城濠淤塞已久咸豐五年春浙江按察使慶 劄飭知州張勸捐挑濬四城外濠溝計濶一丈四尺深一丈二尺數月竣工查南門外向無溝橋相傳地脈貫通風水攸關自遭粵寇掘通已經州紳請填土復舊

新纂

建平縣城池南畿志建平因聚爲治無城通志明崇禎四年知縣侯佐始築周七百八十丈高一丈廣二丈五尺門四楊志建平地勢卑下南濱於溪受桐汭萬山之水地多泥淤沙磧故高墉之設獨後其城趾廣二丈五尺上廣一丈城樓東西南北凡四南門右一水關無樓初照田派費按丁出力南趾濱河無堅土城每一丈派田一千二百二十一畝八分一釐東西北三面地平土厚每一丈派田四百零七畝二分八釐時令處置有方民忘其勞顧分圖計築乃一時經始之策其後田之盈縮

不一而修城之費仍照舊冊索派民甚病之康熙四年大水泛溢城西南隅傾圮數丈邑令李景燦不忍以追呼困民捐俸增修後里耆以按田公派爲修城久遠之計呈請照舊知州楊苞申請勒石四城門舊各有樓後以形家言鬻宮秀氣萃於離位不宜障其文峯故今獨闕南一樓東則吳越通衢守望尤亟其樓久頽知縣高自遠捐建五間制始恢焉李志後數十年瀕河者衝刷日圯雉堞漸頽知州李勳攝縣篆謀補葺之未及興工康熙三十七年知縣茅成鳳力圖告竣其勤事者耆民

王日章丁啟義楊時鼎王拔慶戴鼎龍宗元貞王應隆宗孟師等雍正六年春知縣衛廷璞捐俸改葺雉堞是歲八月暴風突起城西北刷去七十餘丈又於七年重修

**案**築城本以衛民按里派費自宜說以忘勞然究屬一時權宜之計未可云良規也**楊志**乃云建平李令捐修後里耆有恩訂良規之控州爲申請勒石永遠遵守夫小民急公好義誠善俗也抑不知里耆此控果出於踴躍之誠乎或將藉手以肥私乎

廣德州志

卷六

城池

五

國家定例遇地方緊要工作發帑興修從不許絲毫擾累仰見

聖天子軫恤黎元至意區區城垣豈待取給民間況縣令任寄專城原當先事防護隨時整理間有損壞捐廉分所應得里耆何得反行上控後此修築亦終不能援楊氏成規也然志宜徵實故略爲刪節書之而其事不可爲訓因附論於後焉

以上胡志附新纂

公署

姚江黃晦木說大篆大人字云大之爲文象南面而立正位而居之形人之爲文象拱手屈身東向之形古惟人君南面臣下貴者東向賤者西向仲弓可使南面包咸注言任諸侯可使治國政也明非諸侯不得南面矣至秦廢封建則惟天子得正南面臣下雖極貴亦止東向史記載項羽鴻門之燕項王項伯東向坐沛公侍坐故南向不嫌其僭韓信得廣武君坐之東向絳侯不好文學每諸生說事東向坐責之田

蚡自坐東向而坐其臣北面可證也今直省公廨自督撫以及州縣皆南面不知始自何代蓋督撫卽古方伯連帥之職而州縣卽古諸侯分符出治體制宜尊故也抑萬厯志有言儼然居是者堂堂皇皇豈徒取於壯觀瞻任威福哉靖共爾位無恒安息戒之深矣廣德廨宇明以來始可紀今除學署詳學校武署詳兵防外所有臨民出治之所新舊創廢綜列於此舊遊擊署獨西向者郡龍在離位權爲避就非通例也

州署南畿志在城中洪武四年同知趙有慶建中爲正堂東西爲吏目廳錢帛庫翼以吏胥諸房科南爲儀門大門譙樓北爲後堂爲官廨以及吏舍案後堂久圯永樂間知州羅坤泰重修名曰思政堂楊士奇記成化五年知州陸鳳重修廳堂廊舍姚夔記並見藝文萬厯志正廳扁曰岳牧堂案即今大堂後爲思過堂宏治四年知州辛禮建舊名敬義堂嘉靖十二年御史虞守愚改爲敬簡堂至十二年知州朱麟始改名思過堂案即舊思政堂今二堂廳事左翼爲吏戶禮稅糧承發科右翼爲兵刑工勘合科甬道

廣德州志

卷六

公署

七

中有戒石亭

另詳後

儀門東爲土神祠儀仗庫

另詳後

寅賓

館西爲獄

另詳後

又前爲正門譙樓

另詳後

知州宅在思過

堂後宏治十二年知州楊樸徙架閣庫於同知宅東卽

其地建宅思過堂左有空基正德八年知州劉節建爲

後樂堂

案即今保德堂

嘉靖六年知州龍大有復建堂於後樂

堂後

案即今東書房

宅後有桐汭池池上有君子亭

另詳後

吏舍

二所一在公廳東一在公廳西楊志嗣後興建非一明

季兵寇殘毀廨宇半圯岳牧堂僅存前二級儀門及吏

舍塵礫煙蕪康熙五年知州楊苞重建儀門五間門之

內左右翼房科各十間左吏戶禮編承發  
右兵刑工糧架閣門之外寅賓

館土神祠及獄皆因舊加飭焉正廳後為永甯庫庫前

為冊庫砌以石另詳左造快壯班房庭東西為皂隸房

廳後新建川堂堂後大廳改進思堂曰觀我堂案萬歷  
志有思

過堂無進思堂楊志則云州宅在進思堂後宏治十三  
年知州楊樸建恐誤門志有靜治堂在州治後宋建明

正統十二年重建今改名觀我堂考一統志  
有靜治樓無靜治堂門志亦誤互詳名蹟四圍繚以

堅垣有記見門志康熙十一年紳衿濮陽忠等以大堂

頽圯殆盡呈請捐修知州高拱乾詳準捐俸二百兩米

二百石及紳士助建正堂五間顏曰節愛堂前為恤民

廣德州志

卷六

公署

亭後為川堂有記見李志六房久圯乾隆元年知州李

國相詳請動公帑一百八十五兩零修建共房二十六

間案儀門內舊有照廳久廢乾隆三十三年奉藩司

行查各州縣衙署有無捐壞知州明福詳請修建三十

六年以大堂儀門折壞知州恒豫詳請捐廉九百九十

三兩五錢零重建大堂五間儀門五間有記見四十九

年正月二堂中間及西次間坍塌卸知州穆通阿詳請借

給銀九百九十二兩四錢零改建共五間中曰恭敬惠

義之堂知州帥家相題堂東為永豐庫西為辦公書房

五十六年知州胡文銓詳請借給銀九百九十三兩零

通行修整有記後見正廳五間即節愛堂左右翼漆建隸房六

間川堂三間門房三間二堂五間儀門五間照廳三間

鼓樓三間內宅五間東綠卿書屋三間西書房共八間

保德堂三間後敬思亭一座仁月臺一座桐汭池植荷

旁有老木新栽桃柳以上胡志嘉慶十二年知州徐傳一重

修道光十三年損壞經知州高垂慶詳請借廉捌百兩

重修道光二十六年復經知州嘉惠詳請借攤工料銀

柒百兩重修州署大門樓名鼓角樓自嘉慶二年知州

廣德州志

卷六

公署

明安泰重修道光二十三年因大風傾圮知州嘉惠募

資重建裕志

國朝高拱乾重建正堂碑記略州堂始於明洪武年遠不

朝順治初更前為恤民廳合計共深百尺廣如今數我

不害為政但自始構以迄於今業經二百年拄朽蠹

不蔽風雨每當淋漓上漏下濕幾欲張蓋聽治壬子之

秋州薦紳庶羣造於庭而請曰莅政之堂州民待命

傾圮不治視聽何肅焉余謂工用浩繁計費何從況比

年頻罹災旱物產虛耗敢以大役煩我赤子而紳士以

為歲前差得小稔粗足庀工又州治界萬山中材木乃

其土宜不假外取其修之便余雅狗其意申請撫藩各

憲咸以為可遂率先捐俸二百金米二百石州薦紳士

庶亦各輸貲有差茲一役也計用松二百餘株甑瓦二

十萬片各色匠役百五十名工四千餘度為大堂六楹

堂一曰進節自正月二十八日筮吉訖二月十五日創增是  
爲記隆恒豫重建廣德州治大堂及鼓角樓碑記略予  
於乾隆庚寅春由部曹承乏茲郡州治規樞宏敞上雨  
旁風無所障蓋椽崩棟壞壓覆堪虞將何以出政治肅  
觀瞻乎間考州乘范文正錢公輔朱壽昌相繼爲政隨  
作新門修鼓角樓郵乞曾子固爲記斯樓所係亦綦重  
矣予刺是州之明年亟請於上官籌捐薄廉九百遞年  
扣還材不侈輪奐但取樸堅不數月而堂成又聽用是鳩  
工庀材其他門材屋瓦川堂甬道應易應高拱削黜  
而樓成及者稱是先是康熙十有一年前輩應高拱削  
聖修是堂曾厚顏曰節愛堂其願後之同志節其財求愛  
其飢膚意良厚也寺今皆另製竊願州之士聞此晨  
後鐘鼓猶存至他爲記胡文銓重修州署記略余  
由農部牧茲州在戊申仲夏徧歷大堂室頗有頽圯者思  
重飭之顧下車伊始修舉宜務其大者復初書院工未

廣德州志

卷六

公署

竟急爲完整俾生童肄業其中城隍廟並置祭田以資  
倡修厥制巍煥復葺事然後謀及官廡雖於舊製中略  
歲時瞻拜皆剋期葺營矣鼓角樓內爲大堂出政地也  
爲更新然亦幾費經營矣鼓角樓內爲大堂出政地也  
額曰政在養民進而二堂亦治事地也額曰常存敬畏  
其東爲保德堂則賓友所集二堂東北書房三楹修篁  
掩映雜蒔花木名之曰綠卿書屋其東偏爲衡齋乃退  
食之所夫爲政貴於通達事理權衡悉當故以衡名齋  
所稱東書房也後多隙地有蓮池舊志所載亭臺久廢  
傍岸多榛莽牆塌幾與民舍通余乃高其垣平其道刪  
除穢蕪因高爲亭不敬儼若思顏之曰敬思又有額曰  
計也曲禮曰母不敬儼若思顏之曰敬思又有額曰  
小方壺是亭落成後適己西夏苦炎旱虔禱凡三甘霖  
廣沛因復名爲喜雨亭其相對者爲仁月臺培西隅霖  
址得五丈許剪茅成屋編竹作籬顏其門曰放天稱茅  
屋爲五柳居池中設舫可容二席芙蓉開日放之流  
與客賦詩把盞知其間吏不畜文銓矣乾隆

恒豫捐修廳事落成示應試諸童承乏山城已二年虛堂景物太蕭然清貧願載輕舟石葺屋慚縻少府錢細雨燕飛雲棟外春風花放硯池邊漫誇月旦漆聲價文采風流望後賢

錢帛庫萬厯志在州廳右知州江暉穿以石藏知州朱

麟圍以堅牆架閣於中復屋其上案楊志康熙五年修

永甯庫卽此今名外庫房三間在州判署東南

永豐庫一間在二堂左

冊庫萬厯志在思過堂後宏治十二年知州楊樸因建

州宅徙同知宅東楊志康熙五年知州楊苞建貯丈量

冊有記

廣德州志

卷六

公署

楊苞冊庫碑記爲收貯丈冊事案照廣德鼎革以後丈量者三皆中輟而未報竣是以無冊收架迨余守土復又奉檄丈量遵卽條示丈法釐剔積弊簡約舉行不數月而丈畢不數旬而冊完除報憲外所有存州魚鱗歸里等冊自應修理舊庫揆圖收貯以備查核但事不難於謀始而難於慎終不難於慎終而更難於垂久而無弊則督視在官其典守在吏也爲此與經管該吏約務知圖籍所在關係綦重遙相告誡咸當遵法塞向扃戶防範宜嚴垣穿屋漏修葺毋緩凡有因事查冊者稟明正堂請發鎖鑰聽候委員或親詣冊庫開面查查檢既畢冊還原處門仍照前封鎖俾冊不許離庫遠攜門不許私自啟閉著以爲令犯則重懲庶幾奸竇無隙可乘弊杜而可傳永久也爰勒諸石以儆後之司守者

儀仗庫通志在州署儀門東

監獄在州署西明季建楊志康熙五年知州楊苞修并捐

買囚田案內號四間外號四間神堂三間禁卒等住屋  
共四間虎頭門一間久未修整滲漏朽壞乾隆五十六  
年知州胡文銓詳請借修估實工料銀九百九十兩零  
撫憲朱 題奏領帑於六月興工九月工竣

附楊苞捐買囚田文為遵諭請給罪囚口糧等事康熙  
四年十一月十八日蒙按察司正堂劉憲牌開蒙巡撫  
部院張批詳前事奉憲禁飭並不濫禁一人監內見在  
重囚不過寥寥數名再四籌度如每月所給口糧實係  
捐俸資給量捐置田以垂永久卑職不敢於何項錢糧  
動支於本年十一月內捐俸五十兩契買民人李際成  
等田三十畝共計一十四畝坐落三十八都地方隨召  
程繼華程繼榮等佃種取有認狀在卷遞年議償租二  
十二石內除輸糧外餘穀量給監內罪囚口糧又該本  
州看得囚糧向無額外設而捐給原非久計仰遵憲飭業

廣德州志

卷六

公署

十二

經自置民田三十畝除先輸賦稅外每歲取租計口授  
食以垂永久以彰憲臺恩恤罪囚之澤也擬合具文申  
詳為此今將前由另具書冊合行具申伏乞照詳批示  
施行奉按察司劉批該州捐俸置田具見體恤至意仰  
候彙詳批行繳 楊苞堂後修葺垣碑記事有似私  
而公似緩而切者 廨署似私而庫獄在焉則公峻廨署  
之牆垣似緩而切者 備非常於肘腋則甚切也余莅任二  
載州署僅存傾圮特甚思為陰雨之網久矣而時有  
末遑貲亦維艱頃奉憲檄修城告竣固已寢食於竹頭  
木屑之中就其所餘甄石乃命鳩工浹旬以來百堵皆  
作大率官府營繕例多掎管耳役之痛釐厥弊一切經  
復葺因染指其間故多掎管耳役之痛釐厥弊一切經  
營慘澹出口授指畫故堅久動可百年計署以前舊  
有桐汭池君子亭今池沼宛然亭榭未遑也署以前鼓  
角荆榛鳥鼠伏吏舍頽廢書役抱公移立風雨中余  
俱姑置之而汲汲於牆垣者誠以捍庫獄禦非常不但  
除風雨而去鳥鼠已也第不識繼此者能記  
余所已成而補余所未逮否也爰鐫石以記

譙樓卽鼓角樓明萬厯庚申年知州段猷顯重建夏思

記見後乾隆三十六年知州恒豫修五十六年知州胡文

銓又修詳名蹟

明夏思重修鼓角樓記略鼓角樓為南端庭戶宋治平

間錢公輔朱壽昌繼守是邦始營新門鼓角樓成至元

祐改元僂文質範金為壺器明初郡貳趙有慶暨太守

黃伯顏后先般倅於茲今上下十有七年樓災會遷客

頻軺去來代數而已歲癸巳汝南段公猷顯奉上命為

郡大夫既下車召諸父老於庭曰鼓角在前猶詹宇然

匪是痺弗式觀如治何諸父老曰惟命遂程工布令因

蠲緩金擇耆命掌出納而董其役撰日於魏辰晉丑之

月急景酒輝鳩工肇舉伐材於山庀石於岩塹埴於治

子來相將甫徙月而宏規鬱起麟麟翼翼翹如屹如頓

還舊觀矣竣報大夫睠焉四顧額曰開天重郡曰環翠

曰江山勝覽曰仰觀俯察是役也季冬庚申始事至明

廣德州志

卷六

公署

十三

年之三月卒工瓴甃瓶瓦凡六萬有奇費凡十有五鎰高三之八深二七步廣三八步

段猷顯郡譙落成志喜層樓高倚大江開翠色平分天

際來畫棟遙連龍虎國飛梁斜枕鳳凰臺雲移象緯星

河近風送吟聲鼓角哀且喜頻年烽火息暫移樽酒一徘徊

山光樓 桐汭樓萬厯志俱在州治後今廢

靜治樓萬厯志在州治後今廢詳名蹟

范公祠在正廳左三間互見壇廟

恤民亭在正堂前康熙十一年知州高拱乾建今廢

觀志亭萬厯志在州治內嘉靖十五年知州朱麟建以

為引士課射之所案今久廢

戒石亭萬歷志在正堂前甬道中洪武間建敕郡縣勒銘於石警於有位卽宋太宗書孟昶四語楊志康熙五年知州楊苞磚砌內立戒石案今廢豎木坊書之

旌善亭萬歷志在州正門外左洪武三年知州魯參設內懸板榜凡民有孝行節義者書其名以示勸後廢萬

歷二十六年知州段猷顯重建案乾隆四十一年知州

趙滂建於頭門內左與申明亭並列榜列善民姓名詳義行

申明亭萬歷志正門外右洪武十六年知州周遜設內懸板榜凡民有過惡者書其名以示戒後廢萬歷二十

六年知州段猷顯重建李志康熙十二年知州高拱乾修案乾隆十六年知州帥家相修十七年移建頭門內左

秀遠亭南畿志在州治前詳名蹟

君子亭萬歷志在州治後桐汭池上知州王邦瑞建門志久圯康熙十二年知州高拱乾重建案池方廣二十丈許故植荷君子疑以此得名乾隆初李守咏並頭白蓮卽此池

翠溪亭 圓嶠亭 方壺亭南畿志俱在州圃楊志今

圯互詳  
名蹟

桂花亭 蠟梅亭俱在州署內知州閔以棟有詩見續

萬厯志久廢

國朝閔文棟桂花亭同友人坐月戴星出入敢言劬暫息  
亭前酒一盃花影搖雲紛片片月光射紙白蘇蘇米家  
石丈猶堪拜單父琴心何日敷深夜莫辭更漏逼共君即席且歡娛

同知署萬厯志同知署二在州廳東各有亭池舊在西今  
存其一楊志官裁廢久圯康熙五年知州楊苞改建常  
平倉九間左建兵餉倉共九間前為馬廐及馬神祠祠  
之左新闢射圃內豎箭樓

廣德州志

卷六

公署

十五

州判署通志在州署西萬厯志州判宅二俱州廳西各有  
亭池舊在東今存其一楊志屋三進右畔有小池案乾  
隆三十四年州判馬輝重建制尚隘陋五十三年州判  
劉成章重修加恢廓焉大堂三間顏曰思贊堂二堂三  
間二十七年州判顧夔璋題曰潢清堂有記書於匾大  
堂前東西吏房二門五間頭門東向額曰舊司理署劉  
成章改題范公舊署二堂後住宅三間有樓其東為范  
公亭另詳前後書房各三間其西為居易軒亦劉成章  
題後書房三間西為池池南有土地廟有記勒石胡志道

光二年州判胡大復捐貲重修十九年州判林正芳詳請借攤銀二百兩重修有碑記二十五年州判劉鳳池復詳請借攤銀二百兩重修

志裕

范公亭楊志在舊司理廳東南宋范仲淹嘗為司理治獄

廉平作亭於此引囚訊問皆得其情後人因以范公名

之案乾隆四十七年州判劉成章修顏曰願學朔望拜

謁焉古老相傳此亭舊名一梅以庭有老梅一樹也范

公嘗手書勒石云

志胡

嘉慶六年州判金桂沅捐貲重修

額曰施有餘澤道光二年州判胡大復捐貲重修十九

廣德州志

卷六

公署

十六

年州判林正芳因范公亭年久未修勸捐移建於州署

之西側

志裕

國朝劉成章重修州判署記癸卯冬余莅斯任視其衙署惟大堂二堂尙屬完固餘皆朽塌謀修之而力未逮暫將住房及四圍牆垣略加補葺稍蔽風雨署東有范公亭蓋宋文正公舊跡椽瓦頽卸丙午夏余捐資修理添建兩廂并大堂二堂而丹牖之茲因衙之頭門二門及署內房屋棧棟傾圮且向無書房可為寅賓辦公所遂申請借廉葺修而工費繁浩深慮不敷州中紳士各願隨力襄助於丁未孟冬朔庀材鳩工卜吉起造頭門一座二門五間內宅樓屋三間兩廂之西平屋三間廚房三間書房五間戊申嘉平始得落成計費千餘金未嘗少假胥吏之手余莅任五載曾三捐三修於茲工堅料實可稱苟完矣乾隆五十年戊申季冬判廣德州事

劉成章識

吏目署通志在州治西南萬厯志在州判宅南舊在同知宅南有池楊志二進右畔有小池案大堂三間乾隆十八年吏目譚秀信建二堂三間東門房三間西書房二間堂後吏目宅雙桂堂五間書房三間大門一間二門三間俱西向二門外左吏舍右班房又署西廳三間東西房各三間俱三十四年吏目徐忠孝改造未竣四十九年吏目楊大純繼修大堂前西關帝祠福德祠共三間楊大純重修廳旁臨池綠天水榭一座徐忠孝改建楊大純於舊池南濬小池建德輝亭其上栽植竹木胡志

嘉慶十三年吏目王曰瑄詳請修建工料銀二百兩重修道光十六年繼善詳請借攤銀二百兩重修二十二年何裕墳復詳請借攤銀二百兩重修裕志

醫學南畿志在州治前萬厯志州治南洪武十六年設後裁三十三年復建年久頽廢嘉靖五年判官鄒守益重建未幾廢四十五年知州李得春重建案廢址在昇平坊三峯樓北今爲民居

陰陽學萬厯志在州治西案建廢同醫學今址在永興坊丈量亭北廢爲民居胡志嘉慶四年陰陽典術趙國興稟

請知州明安泰查明基址重建

志裕

杭村巡檢司南畿志在州北七十里李志今在杭村保

志胡

道光四年巡檢蘇炳麟詳請工料銀二百兩重修十六

年陸光燧詳請借攤銀二百兩重修二十五年金若澂

詳請借攤銀二百兩重修

志裕

陳陽巡檢司南畿志在州南八十里萬厯志州西南六十

五里

案二志道里不同楊門等志俱同

李志今在獨樹

保離城七十里案是缺於乾隆三十四年裁廢

廣安巡檢司南畿志在州南八十里萬厯志三司俱洪武

廣德州志

卷六

公署

十八

六年設至宏治初李志作隆慶間誤知州辛禮重建李志今在

焦村保離城七十里三司署圯廢已久巡司在城僦屋

而居乾隆二年知州李國相詳請動帑四百二十餘兩

分建衙署每司頭門五櫺房三間中堂七櫺房三間後

堂七櫺房三間五櫺廂房六間共十五間案廣安司署

於乾隆三十四年詳請借給銀一百五十五兩零重修

志胡道光十七年史維基詳請借攤銀二百兩重修二十

二年又詳請借攤銀二百兩重修

志裕

下梅巡檢司萬厯志在州西南九十里其基今為下梅寺

僧正司萬厯志在州治東開化寺洪武十五年間設

道正司萬厯志舊在元妙觀嘉靖五年判官鄒守益遷於

### 東門外

東察院萬厯志在州治東仁德坊洪武三年同知趙有慶

建中爲肅政廳後有川堂後堂廳房前翼有廂房重門

正德十三年知州周時望市民間地爲候事廳俗呼爲

小察院楊志俱圯康熙六年知州楊苞捐俸重修案今

復圯乾隆四十六年知州石應璋卽其址建市房歸其

租於復初書院以給膏火又魚鱗冊云土名大察院在

## 廣德州志

### 卷六

公署

十九

城二圖又有中察院在狀元坊南至街北至官基西至

皇華亭東至巡風衙爲地四畝一分有奇

大察院萬厯志在州東案今廢

西察院萬厯志在州治西南楊志今圯康熙六年知州楊

苞捐俸重建案今廢址在孝子坊丈量亭之西與陰陽

學基連界乾隆五十六年知州胡文銓準典商造房起

租歸入書院膏火

南察院萬厯志在州治東南萬厯三十一年知州何宗賢

建楊志今廢案其址在狀元坊范公亭之東乾隆八年

署知州徐敦蕃改建正誼書院

詳學校

兵備道公署楊志在東察院左今廢

案通志嘉靖三十四年設兵備道轄安徽甯池太廣六屬治廣德四十一年罷隆慶六年復設改爲兵備徽甯道駐旌德後治池州萬厯三十六年議治甯國廣德各半載四十二年徽甯分設兩兵備一爲徽安道駐池州一爲甯太道駐廣德崇禎四年復改徽安爲徽甯道五年移治旌德轄徽甯廣德

附

廣德州志

卷六

公署

二十

養濟院南畿志在州治東南萬厯志洪武間詔天下府州縣收養鰥寡孤獨廢疾之民勑屋以居號養濟院在州東南文淵坊巷永樂十年知州楊瀚重建成化間知州周瑛重書門匾凡養老於院每名口月支米一斗柴薪錢六十文每歲棉苧布各一疋李志在州治東寶華坊案文淵寶華坊名不同乃今昔之異楊志在州治東城內則固舊地也基地二畝三分一釐舊小房二間乾隆元年知州李國相增建堂屋三間三年增建堂房四間案乾隆十六年知州帥家相倡捐改建大門三間正廳三間門房共七間東首十一間西

首十五間北首十一間州孤貧共八十五名每二名合

住房一間男女不許混雜佔奪立碑兼刊木榜示諭五

十三年西首房十八間燬於火孤貧半無所栖或寄居

城外而頹房容留戍犯現行嚴禁并圖修復焉志胡正廳

西首被焚乾隆五十九年署知州瞿兆麟捐建志裕咸豐

末燬於兵同治九年知州殷潤霖捐建正屋五間東西

廂兩間貢生陳芳翰職員董祥鳴監造新纂

國朝帥家相重建養濟院記廣德山谷阻阨風俗質樸無  
車牛服賈之人又乏百工奇巧餬口之術嗟我桐黎豈  
無瘡痍困苦冀所以出水火而登衽席者案定例直省  
州縣俱建養濟院凡鰥寡孤獨及篤疾之人貧窮無親

廣德州志

卷六

公署

屬依倚不能自存令所在官司收養又定例窮民有浮  
於額者作為額外孤貧散給口糧毋致失所仰見我  
朝仁心仁政哀此犛獨有加水無已之盛意余第整理而最  
載所有學校倉儲俗尚水利各鉅政俱次第整理而最  
關於民命者育嬰堂之外莫如養濟院一事是州孤貧  
正額六十名額外二十五名共八十五名計每間居住  
二名約需房屋四十三間方敷住舊止止類屋七間孤  
貧多四散寄住難以稽查若令搭棚棲止風雨飄零又  
堪矜恤余倡修建又遵憲檄勸諭好善紳士急公義助  
共成大門三間正廳三間外南首大門左右瓦房各三  
間東首瓦房十一間西首瓦房十五間北首瓦房十一  
間四圍統計房四十三間每間一丈進深一丈八尺  
簷高七尺五寸前堂後寢有門有牆釐然可觀始於乾  
隆辛未後六月初十日落成於本年十月十五日需銀  
共五百三十餘兩余捐銀八十兩外藉眾擎好義可  
嘉其勸募紳士則有貢生沈輝祖雲克繩生員孫一義班  
趙楚珩巫蘭監生許翼呂鉉王鶴張鳴緒共一十三年呂繼  
尚裘之珩而總理其事者則貢生王鶴張鳴緒共一十三年呂繼

將伯之助殊不可泯茲役也余經營布置工不曠時費不及國告厥竣事聊畢乃職矣雖然撫我百姓偶及歉歲紛紜擾攘啼饑呼寒余父母之任雖請蠲請賑百計安全而目擊情狀實有抱憾於中而不能釋然也或曰天下之待養於使君者豈獨此地哉而奚以區區爲余應之曰堯舜猶病之心勉自近始乾隆十六年歲次辛未孟冬月

賜進士出身奉政大夫知直隸廣德州事前戶部文選司主事武英殿侍直翰林院庶吉士帥家相譔文

賜進士出身文林郎儒學學正前穎州府學教授知直隸新城市事華恆泰篆

額訓導史化鳳書丹

育嬰堂在西門外朝斗坊李志舊樓三間照廳三間東西小房各三間基地一畝三分一釐六絲六忽塘一號三分三釐三毫三絲三忽田一號一分六釐六毫六絲六

廣德州志

卷六

公署

二十二

忽在東孝都四圖二甲僧淨明戶下完糧乾隆二年知州李國相造堂房三間復捐募買田六十六畝共銀二百六十五兩六錢河田四十畝八分二釐七毫九絲三忽案魚鱗冊堂字一號至五十四號河田共四十畝零二分一釐俱在城外沿城計田地共田一百六畝八分二釐七毫九絲三忽有記案田係巫佩

管理

胡志

後移建城內東察院基今堂已燬田經官賣

新纂

李國相育嬰堂記嘗考禮經月令仲春日養幼少存諸孤漢志亦稱十歲以下上所長也育嬰之政自古爲然

我朝惠澤汪洋遍洽黔首而於京師設育嬰堂收貧家兒諸不能乳哺者聚而乳哺之懷保之道不綦密與嗚呼天地間跛行喙息蠕動之類無不知生子而愛之患其天

札況於人乎嬰兒甫見日月之光應子以保抱攜持翼  
其長大奈何呱呱而泣棄之如遺虎哺鳥覆曾有幾人  
孺子何知能不惻然余自守桐川於今六稔矣凡裨益  
吾民之事佩弦自急從無甯晷丁己歲曾建置育嬰堂  
欲以廣  
聖天子暨諸大憲好生之德奈宦橐蕭然難爲繼也今悉  
索薄祿以爲倡率更賴諸紳士之力各出白金買田一  
百六畝有奇斂其杭稻以供乳母之需不使匱乏又遴  
選攸好德之人以董其事而實其惠昔者賈彪令民間  
勿棄子女數年內養活者千餘僉曰賈父所長余亦何  
敢遠慕古人雖然淮南子曰三月嬰兒未知利害而慈  
母之愛諭焉者情也余有保赤之任撫茲穉子怵怵心  
動亦庶幾有是情  
而已矣是爲記

以上胡志參裕志案州中公署咸豐末俱燬於兵未  
復惟重建養濟院已注明

廣德州志

卷六

公署

二十三

考棚在文廟西卽復初書院舊基咸豐九年創建今廢現  
存屋十餘間同治十三年因重建學宮動用公款添造  
屋數間

廣德向無考棚歷來寄考甯郡兵興後皖省停考咸  
豐九年甯郡考棚已燬學憲按臨旌德以是州人創  
議新建考棚稟知州邵 具詳 學憲邵 專摺奏  
準立案創建於復初書院舊基又西首買許姓地開  
拓數十丈是年六月興工九月間規模粗具學憲按  
臨考試明年被兵僅存屋十餘間同治三年經學憲

朱劄查廣德考棚知州張 據地方公稟將來地方起色重修考棚學憲按臨已有部案可查云云詳覆在案

以上新纂

建平縣署南畿志在郎川之澣萬厯志在郎溪北 洪武間知縣張

翼建有正堂後堂幕廳六房儀門譙樓及官吏廨舍案

係洪武三年令縣治舊規皆所創建萬厯志亦詳載之縣志初自連鑛去洪武不遠乃云縣治正廳三間舊建

無考遂使數百年臨民治事之所茫不知所自來李志明洪武三年知縣張翼重建一似翼止建此一堂者皆由不考故也 萬厯志中為正堂後

廣德州志

卷六

公署

二十四

勤政堂左幕廳右收支庫前戒石楊志云翼以六房又

前為儀門左為儀從庫及土神祠右為架閣庫及縣獄

而譙樓外麗焉知縣衙在勤政堂後吏舍二所知縣連

鑛建旌善亭在縣治右李志無申明亭在縣治左李志

正廳三間康熙十五年知縣張顧行重建楊志正廳前有恤民廳李

志不載後為川堂雍正四年知縣蘇祉建川堂後為稽

德堂即勤政堂雍正四年蘇祉移建又後為望雲樓知

縣李景燦建楊志云郎川樓水池樓皆縣治廳其後即

內衙也左為省日堂康熙二年知縣栢肯堂建堂左為

瀾亭縣志卽泉亭知縣衛廷璞建 繹志亭其前爲甯靜軒康熙五十

八年知縣王曾淑建幕廳五間知縣蘇祉增建五間於後左爲互益軒儀門左爲寅賓館久廢譙樓康熙十二

年知縣高自遠重建武庫在儀門外久廢吏舍東二十四間西七間申明亭及榜亭俱知縣茅成鳳復建永甯

庫李志不言所在但言縣署後路偪永甯庫

馬廠萬厯志在善政坊東宣德八年管馬主簿李凱續萬厯志

誤作 剛 建四面各百步楊志今廢

織染局萬厯志在譙樓東楊門等及縣志不載此局蓋廢已久矣然不應沒其名也

廣德州志

卷六

公署

二十五

醫學南畿志在縣治前

僧會司萬厯志在開法寺

道會司萬厯志在存眞道院案南畿志亦有道會司楊門等及縣志不載道會司非也

陰陽學南畿志在縣治前萬厯志不載

纂節局萬厯志在縣治東係州分稅局案此局久廢楊門及縣志止載纂節

局而不詳所司誤也

梅渚巡檢司南畿志在西三十里楊志縣北三十里今衙

舍廢案今在縣北重建

陳村巡檢司南畿志在縣南四十里楊志明嘉靖年裁革

今廢

察院南畿志在縣治西案此西字恐誤萬厯志在縣東崇信坊知

縣王克友建楊志洪武八年建正廳三間泊水一間川堂一間後堂三間廚房七間左右隸房各三間儀門三間前門三間小憩亭一間李志年久盡頽康熙三十七年知縣茅成鳳修後因地勢低窪水溢垣圯知縣王曾淑重修積土培高始可駐節歷數十年又圯雍正八年知縣衛廷璞重修

候事廳三間楊志察院外門右

廣德州志

卷六

公署

二十六

附

養濟院南畿志在縣治北李志在叢桂坊南北長三十八步東西濶六十六步建平存稿舊屋頽壞孤貧三十八口無所栖乾隆十七年知縣貢震重建有記

育嬰堂在縣治東乾隆十五年知縣貢震卽城北四先生祠址並買市房爲門堂樓廡二十七間有記三十五年後宅燬知縣王惟一捐廉重建四十六年知縣周作淵以郎川書院房屋互換今所狹隘不能容乳媪半寄居於外共置田地三百五十三畝九分市房十一間租五七

錢折四十兩  
申縣

以上胡志案建平公署俱燬未復

廣德州志

卷六

公署

二十七